



0335CH12

दाखोर-दालानि बिबान लानाय

हादोरारि साखोन-सिखोन सान





सावराय


- सावगारियाव गथ'फोर आरो फोरोंगिरिया मा खालामगासिनो दं?
- बिसोर पार्कखौ मानो साफा खालामगासिनो दं?
- नों माब्लाबा नोंनि न' एबा फरायसालिनि सोरगिदिं दाखोर-दालाफोरनि थुबुर गोग्लैना थानाय नुदों नामा?
- नों माब्लाबा बे बाभ्राखौ सानदों नामा दि बे दाखोर-दालाफोरा माबोरै सोरजिदों?



हाबा-फारि

1

- नों आरो नोंनि गेदेरफोरा सानाव मावनाय गुबुन गुबुन हाबाफोरखौ गोसोखां। बेफोर हाबाफोरा माबोरै दाखोर-दाला सोमजिहोयो? जोबनायाव, जों दाखोर-दालाफोरखौ मा खालामो?
- नोंनि मोन्दांथिफोरखौ नोंनि थाखोनि फरायसाफोरनो खोन्था।



फोरोंगिरिनि थाखाय रेबसुं

गथ 'फोरखौ सरासनसा गारनाय मुवा दिहुननायनि माखासे बिदिन्थिफोरखौ गोसोखांहो, जेरै, पेकेज खालामनाय बेसादफोर, जाया मुवाफोर, प्लास्टिक आरो साजायनायफोर।



माबोरै दाखोर-दालाया सोमजिदों?

जोंनि सानफ्रोमबोनि हाबाफोराव, जों गोबां दाखोर-दाला सोमजिहोयो। जों गोजाम जि-जोम, टिन, बथल, लेखा बिलाइ, मैगं-थाइगं आरो फिथाइ-सामथाइनि बिगुरफोरखौ गारजोबो। प्लास्टिकनि रेपार, पेन्सिल सैनाय, गोजाम बेटारिफोर आरो गोबां गुबुन बेसादफोर।

जों दाखोर-दालाफोरखौ गारहरनो नाजायो नाथाय माब्लाबा माब्लाबा जों नुयो दि बेयो दाखोर-दालानि थुखायाव जोबहैयो। बेफोर दाखोर-दालानि थुबुर जायखौ नों नोंनि न', फरायसालि एबा नसुंसेनि सोरगिदिं नुयो।



नों बेनि सोमोन्दै माबोरै मोन्दांदों?

नों सानो नामा जों बेनि सोमोन्दै माबाफोर मावनो हागोन?

दाखोर दालाखौ सामलायनाय

जों दाखोर-दालाफोरखौ सामलायनो सोलोंनांगोन। दाखोर-दालाफोरखौ सामलायनाया जोंनि आखायाव। जों साफ्रोमबो दाखोर-दालाफोरखौ सामलायनो सोलोंनांगोन। जों बै सुबुंफोर आरो जायगाफोरनिफ्राय सोलोंनो हायो जाय गावसोरनि दाखोर-दालाफोरखौ मोजाडै सामलायगासिनो दं।

फै जों नायनि बिसोरो मा खालामो आरो बिसोरो बेखौ माबोरै खालामो!




दाखोर दालाखौ सामलायनायनि राहाफोर

नोंथाडा गोबां समावनो लामा सेर सेर, न'फोरनि खाथियाव
आरो सिथलायाव गारनाय जिराद मोनगोन। मोसौ आरो
गुबुनफोरा आदाराव मोननाय प्लास्तिक जानायनि थाखाय थैनो
हागौ। माखासे सुबुंफोरा प्लास्तिकखौ सावो जाय खहागोनां
गेसफोर हगारो।

गावनि सोरगिदिं गारनाय जिरादजों मानसिफ्रा बेराम जानो
हमो। लामाफोराव हाखर आरो मैला दै बोहैनायखौ नुनो मोनो।
बेजों थाम्फैनि अनजिमाया बाडो। बेयो थाम्फै अरनायनि
गेजेरजों बेराम सोमजिहोनो हागौ। मैला दैयाव बिजानुफोर
थानो हागौ जाय गुबुन बेरामफोर सोमजिहोयो।

नाथाय माखासे जायगाफोराव, सुबुंफोरा गावसोरनि
न'फोर आरो सोरगिदिंखौ साखोन-सिखोन खालामनो जोबोद
खस्थ' खालामदों। बिसोरो बेखौ माबोरै खालामो बेखौ गाहायाव
होनाय खोन्दोफोराव जों सोलेंगोन।



हाबा-फारि

2

नोंनि सोरगिदिं नोजोर हो।



सावराय

- नोंनि फरायसालिनि सोरगिदिं थासारिया बेसेबां साखोन-सिखोन?
- नों नोंनि थाखो खथायाव एबा बायजोआव एबा फरायसालिनि फोथाराव दाखोर-दाला गोग्लैना थानाय मोनो नामा?





बो

मोनसे जायगानि सावगारि बो एबा सिथाब । बै जायगाफोरखौ सिनायथि खालाम जेराव दाखोर-दाला एबा मैला दै एबा उखुन्दै दं बेफोरखौ गोजा गाबजों सोरगिदिं बेखन । दाखोर-दालाफोरा माबोरै बैयाव सौहैयो बेखौ मिथिनो नाजा ।

जुदि नों बेबादि जायगानि, जाय बेनि दाखोर-दालाफोरखौ मोजाडै सामलायो, अब्ला देरसिनफोरनाव सों दि बेखौ माबोरै खालामनाय जायो । नोंथानि मोनदांथिफोरखौ थाखोआव फोरमाय ।

दानिया फै जों बै सुबुंफोरनि बादै रायज्जायनि जाय दाखोर-दालाफोरखौ मोजाडै सामलायो ।

खम खालाम

गोबां सुबुंफोरा रेपार एबा प्लास्टिकनि बथलफोराव पेक खालामनाय जाग्रा आदार आरो लोनायनिफ्राय गोजानाव थायो आरो दाखोर-दालाखौ खम खालामनो थाखाय प्लास्टिकनि बेगनि जायगायाव जिनि बेगफोरखौ बाहायो ।



नों माब्लाबा बेबादि खालामनो नाजादों नामा ?

नों सोरजिनाय दाखोर-दालानि बिबांखौ खम खालाम बेयो गिबि नेमखान्थि जायखौ बिसोरो फालियो ।



हाबा-फारि

3

दाखोर-दालाखौ खम खालामनायाव नों माबोरै हेफाजाब होनो हागोन ?



नोंनि गोजाम फुथुलाफोर आरो बिजाबफोरखौ जायफोरनो नांगौ नाथाय बायनो हाया, बिसोरजों रानलायनानै साखोन-सिखोन हाबाफारिनि बाहागो जा ।



गुबुन मा राहाजों नों मदद खालामनो हागोन ?


जों जेसेबां गोबां बेसादफोर बायगोन, एसेबांनो गोबां बेसादफोरखौ गारहरगोन आरो एसेबांनो दाखोर-दाला सोमजिगोन । जों नांगौ बेसादफोरखौ बायनो नाजानांगौ आरो बेफोरखौ बाहायनांगौ जेब्लासिम बेफोर बाहायजाथाव नडा ।

जों जेसेबां हायो एसेबां एसेल' दाखोर-दाला सोमजिहोनो नाजानो हायो ।

फिन बाहायफिन

नैथि खामानि जायखौ गोबां सुबुंफोरा खालामो, बेयो जादों बिसोरो बेसादफोरखौ गारहरस्लायस्लाय फिन बाहायफिनो । जोंनि आबै-आबौआ गोजाम जि-जोमफोरखौ गाराखैमोन । बिसोरो गोजाम सारिनिफ्राय तसक आरो गोजाम जि-बान्जायारि बेग बानायोमोन । माब्लाबा-माब्लाबा बिसोर जायफोरनो जि-जोम नि गोनांथि जायो बिसोरनो गोजाम जि-जोमबो होयो ।

अनथोब बोननायनि थाखाय खौरां बिलाइ एबा गोजाम जिनि बाहायनाया मोनसे आबहावा-लोगोआरि हुदा जाय दाखोर-दालाफोरखौ खम खालामो आरो सम्फदफोरखौ रैखा खालामो । बेफोर बेसादफोरखौ सोरजिलु महरै बाहायनानै, जों जोंनि दाखोर-दालाफोरखौ खम खालामनायनि अनगायैबो जोंनि अनथोबफोराव मोनसे गावारि मोन्दांथि दाजाबदेरना होयो ।






दाखोर-दालाखौ खम खालामनो थाखाय नों माबोरै बेसादफोरखौ बाहायफिन्नो हागोन ?

नों बै लेखा बिलाइखौ फिन बाहायफिननो हायो जायखौ फारसेथिं गोब्राब खामानिनि थाखाय बाहायनाय जादों । दैनि बथल बायस्लायस्लाय, स्टील एबा तामानि बायदि रैखाथि गोनां मुवाजों बानायनाय बथलखौ आबुं खालामना बाहायफिन ।

नों गोजाम खौरां बिलाइ, गोजाम केलेन्डार, बथल, बक्स बायदिखौ बाहायनानै फुथुलाफोर एबा साजायग्रा मुवाफोर बानायनो हायो । बेयाव बेबादि मोनसे सानसि दं । नोंनो खालि माखासे खौरां बिलाइ नांगौ । खेमसि गैया ! ग्लु गैया ! खालि लेखा बिलाइ !



गांसे लेखा बिलाइनि बेग बानायनायनि राहाफोर

फोरोंगिरिनि थाखाय रेबसुं

नों खौरां बिलाइ आरो गुबुन दाखोर-दाला गारग्रा मुवाफोरखौ बाहायनानै गोबां बेसादफोर बानायनो हायो । सानसिफोरनि थाखाय <http://arvindguptatoys.com/> नाय ।






ओरैनो गारनाय मुवाखौ बाहायनानै मोनसे बेसाद बानाय जायखौ नों सोरनोबा अनथोब महरै होनो हायो ।

नोंनि साबायखरथिखौ दिन्थि !

नों बेखौ बै सुबुनो होनो हायो जाय जायगा एबा न'खौ साखोन-सिखोन लाखिनायाव मदद खालामो ।
बिसोरनो खोन्था दि नों बेखौ बानायदों जाहथे नों दाखोर-दाला आरो बिसोरनि खामानिखौ खम
खालामनो हायो । बिसोरनो मोनसे गिदिर 'गोजोन्यो' बुनो दाबाव ।

गोगाथाव जायगा

गाहायाव मुख'नाय गोबां गामि आरो नोगोरफोराव सोरगिदिं दाखोर-दालाफोर गोगलैना दंमोन । नाथाय
आथिखालाव बेफोरो जानो हागौ हादोरनि बयनिखुइबो साखोन-सिखोनसिन ओनसोल । बैफोर जायगाफोरनि
सुबुफोरा माबोरै गावसोरनि सोरगिदिंखौ सोलायदोंमोन ?



दिनै फै अरुणाचल प्रदेशनि सिललुक मुंनि मोनसे गामियाव नायदिनि। जेब्लानो जों गामियाव हाबहैयो, जों साखोन-सिखोन लामाफोरखौ नुयो। लामानि सेर सेर एबा खना एबा लांदां जायगाफोराव जेबो दाखोर-दाला गोग्लैनाय गैया। बिफांफोरजों सारि जानाय लामाफोरा ओरैबायदि मोनो दि जों बबेबा बागानआव थाबायगासिनो दं! बे गामिया गावनि दाखोर-दालाफोरखौ साबसिन जाथावना राहाजों सामलायनायनि थाखाय मोनसे बान्था मोननो हादों। बेखौ 'लाथिख दाखोर गारग्रा गामि' बुंनाय जायो।

सिल्लुक बायदि जोंनि हादोराव आरोबाव गोबां गामिफोर दं जाय दाखोर-दाला सामलायनाय आदबफोरनि मोनसे दिन्थिमहर। छोटा नरेनाया गिबिसिन गामिफोरनि गेजेराव मोनसेमोन जाय जानो हादोंमोन। दाखोर-दाला गैयै।

गोबां गुबुन नोगोर आरो नोगोरमाफोर, जेरै इन्दौर आरो मैसुरआ, साखोन-सिखोन नोगोर जानायनि थाखाय मुंदांखा।




- नौनि गेदेरफोरनाव सों, माबाफोर गामि, सोहोर एबा नोगोर दं नामा जायनि सोमोन्दै बिसोरो मिथियो, जाय साखोन-सिखोननि थाखाय मिथिजायो। नों नौनि थाखोआव नौनि गेदेरफोरनिफ्राय सोलौनाय फोरमायथिखौ फोसावनो हागोन।
- नौनि बिमा-बिफा एबा फोरोंगिरिफोरनिफ्राय स्वच्छ भारत मिशननि सोमोन्दै मिन्थिना ला।



गुबुन गुबुन रोखोमनि दाखोर-दालाफोरखौ आलादा खालाम

जुदि नों सोरगिदिं नोजोर होयो, अब्ला नों मोन्नै गाबनि डास्टबिनफोरखौ नुनो मोनगोन। बेफोरखौ नोंनि फरायसालि, जायगानि हाथाइ, पार्क एबा बास स्टेन्ड, रेलवे प्लेटफर्म एबा बबेबा मेलायाव दोन्नो हागौ। बे मोन्नै रोखोमनि डास्टबिनखौ मानो बाहायनाय जायो? फै जों बेफोर डास्टबिनाव मा दोनो बेखौ मिथिनो थाखाय फरायनि।



गोथां डास्टबिनफोरखौ गोरान बिलाइफोर एबा दालाइफोर, बायदि बेसादफोर, फिथाइ-सामथाइनि बिगुर, मैगं-थाइगंनि दाखोर-दाला एबा दावदैनि बिखं। बे बेसादफोरा गोरलैयैनो गाज्जि जायो आरो हाजों गलाय मोनदेर जायो। गोथां डास्टबिनाव थानाय दाखोर-दालाफोरखौ हायाव दाजाबदेरनो हायो जेराव बेयो बिफां-लाइफांफोर आरो हायाव थाग्रा फिसा फिसा जुनारफोरनि थाखाय कम्पस्ट आदाराव सोलाय जायो।

निला डास्टबिन बेखौ धातु, ग्लास, प्लास्टिक आरो लेखा बिलाइजों बानायनाय बेसादफोरनि थाखाय बाहायनाय जायो। गोदान मुवाफोरखौ धातु, आयना, प्लास्टिक एबा लेखा बिलाइ बायदि बेसादफोरनिफ्राय बानायनो हायो जायखौ गारहरनाय जादों। बेखौ रिसाइक्लिं बुंनाय जायो। माखासे गामिफोराव बैफोर मोनफ्रोम बेसादनि थाखाय आलादा आलादा बिनफोर थायो जाहाथे बेफोरखौ रिसाइक्लिंनि थाखाय गुबुन गुबुन



जायगाफोराव दैथायहरनाया गोरलैसिन जायो। गामिफोर आरो सोहोरफोर जाय गावसिनि गारगारनायखौ आलादा खालामो आरो रिसाइकल खालामो, बिसोर गावसिनि सोरगिदिंखौ साखोन-सिखोन लाखिनो हायो। बिसोर गारगारनायखौ गोहोम गोनाडै सामलायो।




हाबा-फारि

6

गावनि दाखोर-दालाखौ आलादा खालाम

गाहायाव मोननै डास्टबिन दोन्नाय जादों। दाखोर-दाला गारग्रा मुवाफोरनि मुंफोरखौ लिर जाय मोनफ्रोमावबो थांगोन।

प्लास्टिकनि बथल, बिलाइ, सामब्राम गोजा बिगुर, रेजें बाल्ब, गाज्जि फिथाइ, लेखा बिलाइ, दावदैनि बिखं, बाहायनाय प्लास्टिक गायखेरनि पेकेट, जि।



जों साफ्रोमबो गावनि न', नसुंसे, फरायसालि, नोगोर आरो हादोरखौ साखोन-सिखोन लाखिनायाव मदद होनो हायो।

फोरोंगिरिनि थाखाय रेबसुं:

नों बे हाबाखौ बेखौबो बेखेवनो थाखाय बाहायनो हायो दि बायनाय ग्लास, बिजिफोर बायदि गोब्राब एबा जाथावना खहागोनां बेसादफोरखौ जि आरो लेखा बिलायाव लिरनांगौ जाहाथे साखोन-सिखोन मावग्राफोरा बेफोरखौ सामलायनाय समाव खहा जाया।





लिर

- नॉनि न' आरो थाखो खथाखौ साखोन-सिखोन लाखिनो थाखाय नों मावनो हानाय खामानिफोरखौ फारिलाइ खालाम?

आं आंनि खथाखौ साखोन-सिखोन लाखिनो हायो ।

- साखोन-सिखोननि थाखाय नों नॉनि फरायसालि एबा खाथि-खालानि जायगाफोराव बाहायनाय नुनाय आगजुफोरनि मोनसे फारिलाइ बानाय ।
- नों माब्लाबा नॉनि न' आव साखोन-सिखोननि थाखाय बाहाय जानाय आगजुफोरखौ नोजोर हौदों नामा? बेफोर आगजु फोरनि मोनसे फारिलाइ बानाय ।



बो

गाहायाव होनाय बक्स आव बेफोर आगजुनि सावगारि बो ।



जॉनि सोरगिदिंखौ साखोन-सिखोन लाखि

जेब्ला नों हादोरारि साखोन-सिखोन सान फालियो (30 जानुवारि) गावखौ आरो गावनि सोरगिदिं थासारिखौ जेब्लाबो साखोन-सिखोन लाखिनो समायखिरा ला । गोसोआव लाखि दि बांद्राय दाखोर-दाला दाबानाय, गावनि दाखोर-दालाफोरखौ सामलाय आरो दाखोर-दालाफोरखौ मोजाडै गारना मोनसे साखोन-सिखोन आरो सोमखोर मुलुग बानायनो थाखाय ।

जॉनि थांखिया जानांगौ-नाडा, गारनो नाडा ।



फै जों रिफ्लेक्ट खालामनि

क. सावराय

1. दाखोर-दालाखौ माबोरै सोरजिनाय जायो?
2. जों दाखोर-दालाखौ माबोरै सामलायनो हागोन?

ख. लिर

1. प्लास्टिकनि बेग आरो बथलफोरखौ बाहायनायनिफ्राय गोजानाव थानो थाखाय गावनि न' आरो फरायसालिखौ मोजाडै नाय। प्लास्टिक मुवानि गासैबो बेसादफोरखौ फारिलाइ खालाम आरो लिर माबोरै बेफोरखौ गुबुन रैखाथि गोनां मुवाफोरजों सोलायनो हायो।
2. नोंनि फरायसालि आरो न'आव मोन्थाम बेसादफोरनि मुं हो जायखौ नों गोथां डास्टबिनाव दोनगोन आरो मोन्थाम बेसाफोरखौ नों गोथां डास्टबिनाव दोनगोन।

ग. नोंनि नटबुकखौ बो

1. मोनसे गामि एबा सोहोरखौ दिन्थिनो थाखाय मोनसे पस्टार बानाय, जाय गावनि दाखोर-दालाफोरखौ मोजाडै सामलायगासिनो दं। नोंनि पस्टारखौ मोनसे आरजाथाव बिमुं हो।



घ. ज'रायाव फाव खालाम

नों मोनसे साखोन-सिखोन सोहोरआव थानो हागौ आरो नोंनि लोगोआ मोनसे मैला सोहोरआव थानो हागौ। नों जेरै दं बेबादि जानायनि बागै नों माबोरै मोन्दांदों बेनि बागै रायज्जायना मोनसे गुसुं सावरायनायाव बाहागो ला।

ङ. सान, रिफ्लेक्ट आरो शेयार खालाम

1. सानना ला दि नों नोंनि न'आव जोनोम साननि खुंथाय खालामगासिनो दं। नों लाथिख'-दाखोर गारनाय जोनोम साननि खुंथाय खालामनो नाजानायनि माखासे राहाफोरा मा मा? बेनि थाखाय, गिबियाव सानना नायदि जोनोम साननि खुंथायाव मा रोखोमनि दाखोर-दाला सोमजिनो हागौ आरो नों बेखौ माबोरै एरायनो एबा खम खालामनो हायो।

2. नों मिथिंगायाव दाखोर-दाला गारनाय नुदों नामा? नों मा सानो दि हाग्रायाव जिब-जुनारफोर, गोरान बिलाइफोर बायदि गारनायफोरा मा जायो?



© NCERT
not to be republished

© NCERT
not to be republished